

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **MIŠLJENJE**

**Po zahtjevu Raifeisen Leasing d.o.o. Sarajevo o obavezi podnošenja prijave  
koncentracije**

**Sarajevo  
maj, 2015. godine**



Broj: 01-26-7-17-4-I/14  
Sarajevo, 27.05. 2015. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu privrednog subjekta Raifeisen Leasing d.o.o. Sarajevo, Danijela Ozme broj 3, Sarajevo, zaprimljenog od strane Konkurencijskog vijeća dana 15.12.2014. godine, pod brojem 01-26-7-17-I/14, Konkurencijsko vijeće, na 104. (stotinučetvrtoj) sjednici održanoj dana 27.05. 2015. godine, je donijelo

## **MIŠLJENJE**

Privredni subjekt Raifeisen Leasing d.o.o. Sarajevo, Danijela Ozme broj 3, Sarajevo, registrovan u Općinskom sudu u Sarajevu pod brojem MBS:65-01-0472-11 (u daljem tekstu: Podnosilac zahtjeva ili Raifeisen Leasing), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) o obavezi podnošenja prijave koncentracije, zaprimljen dana 15.12.2014. godine pod brojem 01-26-7-17-I/14.

Podnosilac zahtjeva u svom Zahtjevu navodi da ima namjeru pred Općinskim sudom u Sarajevu, iz organizacionih razloga pokrenuti postupak pripajanja povezanog privrednog subjekta „RL Service, Member of Raifeisen Group“ d.o.o. Sarajevo, Danijela Ozme broj 3, Sarajevo, registrovan u Općinskom sudu u Sarajevu pod brojem MBS:65-01-0402-10, koji je u vlasništvu Podnosioca zahtjeva.

U skladu sa navedenim, Podnosilac zahtjeva traži mišljenje da li pripajanje privrednog subjekta „RL Service, Member of Raifeisen Group“ d.o.o. Sarajevo podliježe obavezi prijave koncentracije, u smislu odredbi Zakona o konkurenciji.

Konkurencijsko vijeće u vezi obaveze prijave koncentracije navodi:

- Član 12. stav (1) Zakona o konkurenciji utvrđuje da se koncentracijom u smislu ovog Zakona smatra:
  - a) spajanje ili pripajanje nezavisnih privrednih subjekata ili dijelova privrednih subjekata.
  - b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:

1. sticanjem kupovinom većine dionica ili udjela osnovnog kapitala; ili
  2. sticanje većine prava glasa; ili
  3. na drugi način, u skladu sa odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U skladu sa naprijed navedenim, smatra se da privredni subjekt „RL Service, Member of Raifeisen Group“ d.o.o. Sarajevo nije nezavisni privredni subjekt (nego povezano društvo privrednog subjekta Raifeisen Leasing), te se na isto ne primjenjuju odredbe člana 12. Zakona o konkurenciji.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednica  
Maida Čampara**